

# Immikkoortumut pilersaarutit pillugit Namminersorlutik Oqartussat nalunaarutaat

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni nr. 26, 28. Novemberi 2016-meersoq § 13, imm. 3 aamma § 20, stk. 6 Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnisaa pillugu Inatsisartut inatsisaat nr. 63, 20. Novemberi 2023-meersoq aamma Pilersaarusiorneq aamma nunaminertat atorineqartarnerat pillugit Inatsisartut inatsisissaannik nr 17 17. Novemberi 2010-meersoq. 5, stk. 5: aamma Pilersaarusiorneq aamma nunaminertat atornerat pillugit Inatsisartut inatsisaata allanngortinneqarnisaa pillugu Inatsisartut inatsisaat nr. 66 20. Novemberi 2023-meersoq naapertorlugu aalajangersarneqarpoq:

## Kapitali 1

### *Immikkoortumut pilersaarutit*

**§ 1.** Nalunaarummi uani paasineqassapput:

- 1) *Immikkoortumut pilersaarut:* Periusissianik saqqummiussineq ataqtigiissoq, tassa politikkit, pilersaarutit, suliniutit sukumiisut il.il., immikkoortup ataatsip iluaniittut.
- 2) *Immikkoortumut pilersaarummut nassuiaat:* Pingaarnertut nassuiaat paasissutissanik erseqqinnerusunik aalajangersakkanik imaqartoq, tak. ilanngussa 3.
- 3) *Immikkoortoq:* Ataqtigiissumik allaffissornermi aningaasaqarnermiluunniit immikkoortumi, kommunit Namminersorlutilluunniit Oqartussat maleruagassiornerat, aqutsinerat, tapiissutaat il.il., immikkoortumut taassumalu ineriartorneranut immikkut pingaaruteqartuni.

**§ 2.** Kommunalbestyrelsit Naalakkersuisullu siunissami akunnattumik sivilissuulimmu (ukiut qulit) kommunip namminersorlutillu oqartussat pilersaarusiornernut, pingaarnersuinerannut missingersuusiornernullu tunngavissatut immikkoortumut pilersaarutit suliaqarlutillu nutarterisarpur.

*Imm. 2.* Immikkoortumut pilersaarut, immikkoortup ineriartorneranut pingaarnertut takorluugaq tunuliaqutaralugu oqaasertalerneqassaaq.

*Imm. 3.* Immikkoortumut pilersaarut pilersaarutit sunniutissaatut ilimagineqartunik pingaarnertut nassuiaammik imaqassaaq kiisalu pilersaarummi suliniutissatut allanneqartut qanoq malineqarsinnaanerannik imaqassalluni. Tassani suliniutip aningaasatigut silallu pissusaanut sunniutissaata uuttornissaat aamma ilaavoq.

§ 3. Naalakkersuisut minnerpaamik immikkoortunut ilanngussaq 1-mi allattorsimasunut immikkoortunut pilersaarutininik suliaqassapput. Immikkoortuni taaneqartuni immikkoortunik pilersaaruteqartoqartinnagu, nalunaarutip atuutilerneranit ukiut pingasut qaangiutsinnagit taamaattoq suliarineqassaaq.

*Imm. 2.* Namminersorlutik Oqartussat immikkoortunut pilersaarutaat sanaartukkanik, illorsuarnik, illuutininik nunaminertanilluunniit atuinerinik pilersitsinissanik atorunnaarsitsinissanilluunniit kissaatininik malitseqassappata, pisortatut oqartussaasut attuumassuteqartut akuliutsinneqassapput, tassani immikkoortunik pilersaarutininik suliaqarnerni kommunini oqartussaasut ilanngullugit.

§ 4. Kommunalbestyrelsit minnerpaamik immikkoortunut ilanngussaq 2-mi allassimasunik immikkoortunut pilersaarusiortassapput. Immikkoortunut ilanngussami taaneqartunut immikkoortunut pilersaaruteqanngippat, nalunaarutip atuutilerneranit ukiut pingasut qaangiutsinnagit taamaattumik suliaqartoqassaaq.

*Imm. 2.* Immikkoortumut pilersaarut maleruagassanik atuuttunik imaluunniit namminersorlutik oqartussat immikkoortunut pilersaarutaanni, namminersorlutik oqartussat aningasalersuinermit ilapittuutaannik imaluunniit allanit avataaneersunit suleqatinik allannguissamik tunngavissaqartitsippat, immikkoortunut pilersaarutininik suliaqarnermi pisortatut oqartussaasut attuumassuteqartut akuliutsinneqassapput.

*Imm. 3.* Kommunalbestyrelsit immikkoortunut pilersaarusiorderat kommunimut pilersaarutip pingaarnerup ilaatut imaluunniit kommunini namminerisamik immikkoortunut pilersaarutit ilaattut tamanna pisinnaavoq.

§ 5. Immikkoortumut pilersaarut pilersaarutip ilaata pingaarutillit eqikkarneqarneranik imaqassaaq (immikkoortumut pilersaarummut nassuiaat).

*Imm. 2.* Immikkoortumut pilersaarummut nassuiaat minnerpaamik ilanngussaq 3-mi paasissutissatut taaneqartunik imaqassaaq.

§ 6. Immikkoortunut pilersaarutit immikkoortunullu pilersaarummut nassuiaatit sivikinnerpaamik sapaatip akunnerinik 8-nik sivisussusilimmik tamanut tusarniutigineqarta ssapput, Naalakkersuisullu immikkoortunut pilersaarutaat immikkoortumullu pilersaarutininik nassuiaataat tusarniaanerup kingorna Naalakkersuisunut akuerineqartussanngorlugit saqqummiunneqartassapput, kommunalbestyrelsillu immikkoortunut pilersaarutaat immikkoortumullu pilersaarutininik nassuiaataat tusarniaanerup kingorna akuerineqartussanngorlugit saqqummiunneqartassapput.

*Imm. 2.* Immikkoortoq 1-mi oqaatigineqartutut akuersissut immikkoortumut pilersaarutip immikkoortumullu pilersaarummut nassuiaatit imarisaanik periusissianik tunngaviusumik tapersiinermit oqaatiginnittuuvog, taamaattoq aningaasaliissutitut allatulluunniit sukumiisumik aalajangikkatut iluseqarnani.

§ 7. Immikkoortumut pilersaarummut akisussaasoq immikkoortumik pilersaarummik immikkoortumullu pilersaarummut nassuiaammik naalakkersuisoqarfinimut sanaartorfissanut pilersaarusiordermut akisussaasumut, akuersinerup kingorna kingusinnerpaamik sapaatip akuerisa arfineq pingasut qaangiunneranni tamanut saqqummiussinissaq siunertaralugu tunniunneqartassapput

*Imm. 2.* Immikkoortumut pilersaarutit immikkoortumullu pilersaarummut nassuiaatit nutartikkat portalimi akuerisami tamanut saqqummiunneqartassapput.

*Imm. 3.* Aningaasaqarnermut Naalakkersuisoqarfik portalimi tamanut saqqummiunneqartut oqaasertat, paasissutissat titartakkt il.il. ilusaannut malitassianik erseqqinnerusunik aalajangersaasinnaavoq.

## **Kapitali 2**

### *Malitseqartitsineq*

**§ 8.** Minnerpaamik ukiut qulikkaarlugit immikkoortunut pilersaarutininik nutartikkanik suliaqartoqartassaaq, imaluunniit suliami, sanaartukkani, aningaasaqarnikkut il.il. immikkoortumut pilersaarummi aalajangersimasumi tunngavissat pingaarutilimmik allanngorsimagaangata.

*Imm. 2.* Immikkoortumut pilersaarummi nutaami immikkoortumi pilersaarutip siuliani piffissap ingerlanerani sunniutissatut ilimagineqartut suut naammassineqarsimanerat, suullu naammassineqarsimannginnerat allassimassaaq.

## **Kapitali 3**

### *Atuutilerfia*

**§ 9.** Nalunaarusiaq una ulloq 1. juli 2025 atuutilerpoq.

*Kalaallit Nunaanni Namminersorlutik Oqartussat, ulloq 6. Juni 2025*

**Múte B. Egede (atsior.)**

Aningaasaqarnermut akileraartarnermullu Naalakkersuisoq

/Nikolai S. Christensen (atsior.)

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut